



Inatsisartut
/Maani

Att. Inatsisartunut ilaasortat, Kuupik V.Kleist aamma Naaja H. Nathanielsen

Bankimut tunngatillugu § 37 naapertorlugu apeqqummut nr. 236-imut akissuteqaat

09-12-2013
Sags nr. 2013-092677
Dok. nr. 1415329

Grønlandsbanken-imi aktiaatinik tunisinermut tunngatillugu apeqqutit Naalakkersuisut tiguaat, taakkualu matuma kinguliani akineqarput.

Postboks 1015

3900 Nuuk

Tlf. (+299) 34 50 00

Fax (+299) 32 50 02

E-mail: govsec@nanoq.gl

www.naalakkersuisut.gl

Namminersorlutik Oqartussat piginneqataassutaannik Greenland Venture A/S-ip pisinialersaartuunera Naalakkersuisut uppersarsinnaavaat? Taamaassappat Naalakkersuisut qinnuigissavagut niuernialersaarnermi tamatumani Greenland Holding A/S-ip inissisimanera ilisimatitsissutigeqqullugu?

Akissut:

Greenland Holding A/S ullumikkut 100 %-imik Namminersorlutik Oqartussanit pigineqarluni aktiaatileqatigiiffiuvoq. Greenland Holding A/S marlunnik ingerlatseqatigiiffinnik immikkoortortaqaarpoq, tassalu Greenland Venture A/S aamma Greenland Business A/S kiisalu Greenland Contractors I/S-imi 33 1/3 %-imik piginnittuulluni. Aaqqissuusaanera Inatsisartunut ilaasortanut paasinarsisinniarlugu aaqqissuusaanermut titartagaq matuma kinguliani takuneqarsinnaavoq.

Ejerstruktur



Ilusiliaq 1: Aaqqissuusaanermut titartagaq Greenland Holding A/S

Ingerlatseqatigiiffiit aaqqissuusaanerat matuma siulianiittoq isumaqarpoq, ingerlatseqatigiiffik qullersaqarfiusoq Greenland Holding A/S, ingerlatseqatigiiffinni immikkoortortaqaarfiusuni 100 %-imik pigineqartuni sukkulluunniit aalajangiinernut tamaginnut akisussaasuusoq. Taamaattumik Naalakkersuisut ingerlatseqatigiiffimmu qullersaqarfiusumut Greenland Holding A/S-imut imaluunniit ingerlatseqatigiiffimmu

immikkoortorta qarfiusumut Greenland Venture A/S-imut tunisinersoq tunngaviatigut isumaqanngilaq, pissutigalugu ingerlatseqatigiiffimmut tamarmut, ingerlatseqatigiiffiit immikkoortorta qarfiusut 100 %-imik pigineqartut ilanngullugit, Naalakkersuisut naggataatigut piginnittuummata.

Namminersorlutik Oqartussat Grønlandsbankenimi piginneqataassutaasa pingajorarterutaannik pisiniarlutik ingerlatseqatigiiffiup soqutiginnittup siulersuisui qanga neriorsuuteqarpat?

Akissut:

Naalakkersuisut ingerlatseqatigiiffiutertik ingerlaavartumik oqaloqatigisarpaat, ilanngullugit siulersuisut, taakkua maani Nuummi ulloq 3. december 2013 aktiaatillit ataatsimiinneranni peqqammersumi kingullermik neriorsuuteqarnermik uppersarsaaqqillutik.

Ingerlatseqatigiiffik soqutiginnittoq pisinissamut nammineq aningaasaliisinaassuseqarnersoq imaluunniit avataaniit aningaasaliisoqarnissaa pisariaqartinneqarnersoq Naalakkersuisut ilisimasaqarfigivaat?

Akissut:

Naalakkersuisut aamma ingerlatseqatigiiffiup isumaqatigiissutigaaat ingerlatseqatigiiffiup aningaasaqarnikkut inissisimanerata malitsigisaanik, ingerlatseqatigiiffik avataaniit aningaasalersuisoqarnissaanik pisariaqartitsiviunngitsumik pisinermik aningaasalersuisinnaasoq.

Piginneqataassutininik pisinissamut ingerlatseqatigiiffik taarsigassarsinissamik pisariaqartitsissappat, aammalu taarsigassarsinermut tamatumunnga pisisup bankia qularnaveeqqusiisoqarnissaanik piumasaqassappat Namminersorlutik Oqartussat qularnaveeqqusiisuuniarpat?

Akissut:

Naamik, ingerlatseqatigiiffiup arlaatigulluunniit qularnaveeqqusiinertaqanngitsumik allatigulluunniit pisoqartinnagu pisineq aningaasalersorsinnaavaa.

Qularnaveeqqusiinerunngitsumik, soorlu Nunatta Karsianit taarsigassarsinikkut, piginneqataassutininik pisinermik pisisup aningaasaliineranut Namminersorlutik Oqartussat toqqaannartumik toqqaannanngitsumilluunniit ilanngutitinneqalersinnaanerat periarfissaanngitsoq akerlilerneqarsinnaava?

Akissut:

Aap, tamanna taamaanngilluinnarnerneqarsinnaavoq. Aktiaatit nammineq ingerlatseqatigiiffimmut pigisamut tunineqarmata Namminersorlutik Oqartussat akuupput, taamaalillutik Greenland Holding A/S-imik 100 %-imik piginnittuunermigut aktiaatinik "toqqaannanngitsumik" suli piginnittuullutik.

Grønlandsbankenimi piginneqataassutit sinnerisa tunineqarnissaat aktianik piginneqatigiiffinnut piginnittuunermut Naalakkersuisut periusissiaannut ilaava? Taamaassappat piffissaq tamatumunnga atugassatut naatsorsuutigisaq kissaatiginarpoq ilisimatitsissutigineqassasoq.

Akissut:

Naamik, maannakkorpiaq tamanna Naalakkersuisut pilersaarutaanni ilaanngilaq.

Grønlandsbankenimi piginneqataassutinit tunineqartunit iluanaarutit Nunatta Karsianut suli nakkartinneqartarnissaannik Atassutip oqaasia Naalakkersuisut uppersarsinnaavaat? Atassut taamaasilluni ilimasuppoq Greenland Holdingip ataatsimeersuarnissaanut atatillugu Greenland Venturep Grønlandsbankenimi piginneqataassutitigut iluanaarutiumaagaanit amerlanerusunik Namminersorlutik Oqartussat iluanaaruteqarnissaat Naalakkersuisut piunasaqaatigiumaaraat.

Akissut:

Grønlandsbanken-imit iluanaarutinit Naalakkersuisut tigusaqassapput, tunisereernerup kingorna aktiaatinit pigineqartut ilaasa sinneruttut annertoqqataannik. Tamanna aamma Greenland Holding A/S-imit atuutissaaq. Greenland Holding A/S-imit iluanaarutinit tunniussisarneq ukiut tamaasa aktiaatillit ataatsimiinneranni ingerlatseqatigiiffimmi siulersuisunut isumaqatigiissutigineqartarpoq, taamatutaaq tamanna aktiaatileqatigiiffinnut Namminersorlutik Oqartussanit pigineqartunut allanut atuuppoq. Aktiaatileqatigiiffinnit Namminersorlutik Oqartussanit pigineqartunit iluanaarutissat, tunngavissarititaasut arlallit aallaavigalugit nalinginnaasumik aalajangersarneqartarput, ilanngullugit aningaasaliinerit annertussusissaattut naatsorsuutigineqartut, ukiuni aggersuni missingersuutissat, ingerlatseqatigiiffiup aningaasaataanut ilusiliussat il.il.

Inussiarnersumik inuulluaqqusillunga



Aleqa Hammond

